

RAMELTON
FLOOD RELIEF SCHEME



**Comhairle Contae
Dhún na nGall**
Donegal County Council



Tionscadal Éireann
Project Ireland
2040

OPW Oifig na
nOibreacha Poiblí
Office of Public Works

Scéim Faoisimh Tuilte Ráth Mealtain



Nuachtlitir Iúil 2026

SAN EAGRÁN SEO

An Scéal Is Déanaí

Seo an seachtú nuachtlitir déag do Scéim Faoisimh Tuilte Ráth Mealtain. I measc na bpríomhghníomhaíochtaí a rinneadh ó foilsíodh an nuachtlitir dheireanach, tá forbairt Roghanna le cur faoi bhráid an Ghrúpa Stiúrtha agus measúnacht bhreise maidir le himscrúduithe talaimh.

Samhaltú Hiodrálach Leathanach 2

Suirbhéireachtaí & Imscrúduithe

Leathanach 2

Measúnachtaí Timpeallachta

Leathanach 3

**Roghnúcháin & Páirtithe
Leasmhara**

Leathanach 3

Samhaltú Hiodrálach

Forbraíodh an tsamhail hiodrálach do Ráth Mealtain agus rinneadh tástáil uirthi. Ullmhaíodh Tuarascáil Hiodrálach do Scéim Faoisimh Tuilte Ráth Mealtain.

Baineadh úsáid as an tsamhail le maoín atá i mbaol tuilte a shainaithint, na roghanna faoisimh tuilte a thástáil, agus an damáiste eacnamaíoch a mheas.

Bainfidh an fhoireann tionscadail úsáid as an tsamhail chomh maith, le measúnú a dhéanamh ar bhearta oiriúnaithe don athrú aeráide amach anseo.

Rinneadh samhltú ar na roghanna, agus tá an rogha is fearr atá ag teacht chun cinn á mheas ag an fhoireann tionscadail.

Suirbhéireachtaí agus Imscrúduithe

Cuireadh suirbhé topagrafach breise i gcrích le leibhéal thairseacha maoine a thaifeadadh.

Ceapadh **Northwest Geotech**, sainchonnraitheoir imscrúdaithe talún, le himscrúduithe talún a dhéanamh mar chuid den scéim faoisimh tuilte.

Tá úinéirí talún príobháideacha á gcur ar an eolas faoi na hoibreacha roimh ré sula gcuirfear tús leis na himscrúduithe talún ar an láthair. Táthar ag súil go gcuirfear tús leis na hoibreacha ar an láthair i lár mhí Iúil 2026, nuair a bheidh na ceadúnais seandálaíochta agus na Ceadúnais Oscailte Bóthair i bhfeidhm.



Gníomhaíochtaí Timpeallachta

Tá sé beartaithe suirbhéireachtaí timpeallachta a dhéanamh sna míonna amach romhainn, lena n-áirítear suirbhéireachta ar éin phóraithe, gnáthóga dobharchúnna agus iascaigh. Nuair a dheimhneofar an rogha is fearr, rachaidh suirbhéanna comhshaoil speisialaithe breise ar aghaidh, lena n-áirítear suirbhéireachtaí ar an oidhreacht chultúrtha, torann agus chreathadh, cáilíocht an aeir, agus an tírdhreach agus gnéithe amhairc. Ullmhófar na tuairiscí timpeallachta riachtanacha le tacú leis an iarratas pleanála.

Leanfar le cóireáil ar speiceas coimhthíoch ionrach, lena n-áirítear bhalsam Himiléach agus an glúineach bhiorach, le linn shamhradh 2026, agus cuirfear tús leis an obair i mí Iúil.

Roghnúchán

Tá an samhaltú roghnúcháin curtha i gcrích agus sainaitníodh an rogha is fearr atá ag teacht chun cinn. Tá an dearadh á leasú ag an fhoireann tionscadail agus an Tuairisc ar Roghanna á nuashonrú acu chomh maith mar ullmhúchán don chomhairliúchán poiblí ar an rogha is fearr.

Rannpháirtíocht le Páirtithe Leasmhara

Tá ceardlann chomhoibríoch deartha beartaithe do Shamhradh 2026 le riachtanas breise féideartha ar bith a shainaithint. Tabharfar cuireadh do roinnt foras atá ina bpáirtithe leasmhara páirt a ghlacadh sa chomhoibriú agus a gcuid smaointe agus tuairimí a roinnt.

I ndiaidh na ceardlainne, cuirfear an rogha is fearr chun cinn le haghaidh comhairliúcháin poiblí.

Tá fótamhontáis á n-ullmhú lena dtaispeáint le linn an chomhairliúcháin poiblí.



Na Chéad Chéimeanna Eile

- ➔ Sna míonna atá romhainn, beidh an Fhoireann Tionscadail ag obair ar:
- ➔ Tús a chur le hImscrúdú Talaimh ar an láthair
- ➔ Suirbhéireachtaí éiceolaíochta breise
- ➔ An Tuairisc ar Roghanna a chur i gcrích
- ➔ Ceardlann Maidir Leis Na Roghanna



Déan Teagmháil Linn

Más mian leat teagmháil a dhéanamh leis an Fhoireann Tionscadail s'againn i dtaca le ceist ar bith a bhaineann le Scéim Cosanta Tuilte Ráth Mealtain, is féidir sin a dhéanamh ar na bealaí seo a leanas:

Ríomhphost

RameltonFRS@Ayesa.com

Gnáthphost

Bainisteoir Tionscadail Scéim Faoisimh Tuilte Ráth Mealtain
Ayesa Building 2100
Páirc Ghnó Aerfort Chorcaí
Bóthar Chionn tSáile
Corcaigh

Fón

+353 (0) 21 240 7988

Más mian leat eolas ar bith eile a fháil i dtaca leis an Scéim, lena n-áirítear an clár, tabhair cuairt ar an suíomh gréasáin s'againn:

www.floodinfo.ie/frs/en/ramelton/home/